

Liebe Alex

Set drizäh Johr besch du scho im Tornverein debi,
Zäh devo besch im Vorstand gsi.
Im Vorstand hesch e paar Aemter gha
Vom Kassier über de Präsi zom Vicepräsi hämmer aues chönne ha.

Ou set nömme besch im Vorstand debi
besch emmer a voderschte Front gsi.
Du Alex hesch di vor der Arbet nie gscheut
ond mer hoffe du hegsch es nie bereut.

För euises tolle Tornfescht hesch du d'boute gmacht
Du hesch di Igsetzt bes Bauke händ kracht.
För d'Finanze hesch gsorget be de 100 Johrfiir
ohni dassd gmacht hesch es gliir.

Euise Verein het vell vo der profitiert
dorom hämmer ou vöu brilliert.
D'Männeriege cha froh si es söttigs metgled z'becho
denn of de cha mer sech verloh!

Wie'n is gseit ha voreme Johr,
werds jetzt doch no wohr.
För di grossi Isatz i eusem Verein
Danke mer der höt ganz ongemein

Di höchschi Ehrig tüemmer der höt verleihe
Als Ehremetgled tuesch secher nochli gedeihe
Als Dank för din langjährige Isatz, wo mer alli anerkenne,
bett i d'Versammlig de metteme Applaus zom Ehremetgled z'ernenne.